



UNIVERSITÄTS-
BIBLIOTHEK
PADERBORN

Universitätsbibliothek Paderborn

**De Prvdentia Et Cæteris In Confessario requisitis ad ritè
fructuoséque Diuini ministerij sui munera obeunda,
Tractatvs**

Regnault, Valère

Lvgdvni, 1611

Ad Pivm Lectorem Præfatio.

urn:nbn:de:hbz:466:1-41341



AD PIVM

LECTOREM

P R Æ F A T I O.



Pv s à nobis inscri-
ptum, *Praxis fori pœni-
tentialis*, non nisi pro-
lixum esse potuit, ob
rerum in eo tractan-
darum tam multitu-
dinem, quàm varietatē. Ne igitur ex-
pertes illius plerique fierent, prolixita-
tē ipsam fastidientes, aut pecuniæ, vel
otij penuriam obtendentes, visum est
in eorum gratiam seorsim edere, quæ
ad Confessarij prudentiam pertinent,
tamquam eidem peculiariter necessa-

ria ad sacrum ministerium suum, debite, fructuosèque obeundum. Neque enim ad id illi sufficit competens sciētia, sed adhuc opus est prudentia: cāque tum Paternā ad pœnitentem tamquam Deo mortuum, ad spiritalem vitam disponendum, adhibita industria, qua neque indulgentior sit, neque feuerior, quàm par est; tum etiam Medicā, ad eundem Pœnitentem curandum, tamquam faucium plagis impositis relictum semivivum; sic adhibitis remediis accommodatis, ut ea vitentur, quibus morbus augetur potius, quàm curetur: tum præterea Magistrali, ad ipsum quoque Pœnitentem, tamquam peregrinum devium reducendum ad viam salutis; ac de ea sedulò, pro captu ipsius, informandum: tum demum iudiciali ad proferendam in eum ipsum tanquam reum in vinculis positum, sententiam rectam, æquam, & tempestivam; atque adeo
vitan

vitandum periculum soluendi ligandū, aut ligandi soluendum in suam, ac sui pœnitentis extremā perniciem. Vnde patet nobis summopere commendatam esse debere cognitionem pertinentium ad vnamquamque talem prudentiam: quæ cognitio à nobis pingui Minerua quidem hîc traditur, sed nihilominus magnificienda eo saltem nomine, quòd instituat, dirigaturque ad opus eximiæ tum dignitatis, tum vtilitatis: quo scilicet Confessarius, tamquam Christi Iesu Regis Regum, & Dõmini dominantium gerens vices, miserum peccatorem ex Diaboli filio æternis suppliciis obnoxio, Dei filiũ, regni cœlestis hæredem facit, quasi in sacrosanctum sanguinis eiusdem Christi thesaurum immissis manibus, ad abluendam à peccatorum sordibus animam, & imaginem Dei in ea restituendam nitore suo cum ingenti cœlestium ciuium

gaudio, dicente Domino Luc. 15. *Gaudium est in caelis super vno peccatore pœnitentiam agente, quàm super nonaginta novem iustis qui non indigent pœnitentia.* Vale in Christo, meque apud illum precibus adiuua: vt hoc, quod offero opusculum, tamquam minutum à paupere vidua missum in Ecclesiæ suæ gazophylacium; acceptum habere dignetur.

THEOLO